

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SABA

KIKAO CHA KUMI NA TISA

8 MEI, 2017



ORODHA YA SHUGHULI ZA LEO

MKUTANO WA SABA

KIKAO CHA KUMI NA TISA – TAREHE 8 MEI, 2017

I. DUA:

II. KIAPO CHA UAMINIFU:

Catherine Nyakao Ruge

III. HATI ZA KUWASILISHA MEZANI:

WAZIRI WA MAMBO YA NDANI YA NCHI:

Randama za Makadirio ya Mapato na Matumizi ya Wizara ya Mambo ya Ndani ya Nchi kwa Mwaka wa Fedha 2017/2018.

IV. MASWALI:

OFISI YA WAZIRI MKUU:

155. MHESHIMIWA RHODA EDWARD KUNCHELA (VITI MAALUM):

Atamuuliza Mheshimiwa Waziri Mkuu:- Ipo changamoto kubwa ya ukosefu wa ajira kwa vijana wa Mkoa wa Katavi na hii ni kutokana na miundombinu mibovu inayosababisha Wawekezaji kushindwa kuwekeza:-

Je, Serikali ina mikakati gani ya kusaidia vijana hao wapate ajira na kuwa na mazingira ya kuwawezesha kujikwamua kiuchumi.

OFISI YA RAIS (TAMISEMI):

156. MHESHIMIWA JOSEPHINE TABITHA CHAGULLA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Serikali ilipandisha hadhi Kituo cha Afya Kharumwa kuwa Hospitali ya Wilaya Nyang'hwale:-

Je, ni lini Serikali itaongeza majengo kwa ajili ya Wodi za Wagonjwa na Wodi za Wazazi katika Hospitali hiyo.

**157. MHESHIMIWA SAED AHMED KUBENEA
(UBUNGO):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Serikali iliahidi kuhamisha Kituo cha Mabasi cha Ubungo na kukipeleka eneo la Mbezi katika Jimbo la Kibamba lakini mpaka sasa jambo hilo halijatekelezwa:-

(a) Je, Serikali imefikia hatua gani katika kutekeleza ahadi hiyo;

(b) Je, mradi wa kuhamisha Kituo cha Mabasi unatarajiwa kutumia kiasi gani cha fedha.

OFISI YA RAIS (UTUMISHI NA UTAWALA BORA):

**158. MHESHIMIWA RASHID ABDALLAH SHANGAZI
(MLALO):**

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):- Halmashauri ya Lushoto ina mzigo mkubwa wa kulipa mishahara ya Watumishi ambapo inatumia zaidi ya Tsh. 28,000,000/= kila mwezi kulipa mishahara ya Watumishi ambao kimsingi mishahara yao ilipaswa kulipwa na Hazina kupitia Utumishi:-

Je, ni lini Serikali itawatua Wananchi wa Lushoto mzigo huu.

WIZARA YA ARDHI, NYUMBA NA MAENDELEO YA MAKAZI:

159. MHESHIMIWA EMMANUEL ADAMSON MWAKASAKA (TABORA MJINI):

Atamuuliza Mheshimiwa Waziri wa Ardhi, Nyumba na Maendeleo ya Makazi:- Jimbo la Tabora Mjini hususan katika Kata za Mpera, Malolo, Mbugani na Ng'ambo (Kidongo Chekundu) kuna migogoro ya muda mrefu ya ardhi na bomoa bomoa ya nyumba za Wananchi:-

Je, Serikali inafanya juhudi gani kuhakikisha inamaliza migogoro hiyo ya ardhi ambayo ni kero ya muda mrefu kwa Wananchi.

160. MHESHIMIWA MARIAM NASSOR KISANGI (VITI MAALUM):

Atamuuliza Mheshimiwa Waziri wa Ardhi, Nyumba na Maendeleo ya Makazi:- Kume kuwa na ujenzi wa nyumba za ghorofa kandokando ya barabara kuu na Serikali ndiyo inayotoa vibali vya ujenzi huo ambapo baada ya muda maghorofa hayo yanaweza kubomolewa na mwenye jengo kulipwa fidia:-

Je, Serikali ina mkakati gani wa kuainisha maeneo yenye mipango ya maendeleo ili kuepuka gharama kubwa ya kulipa fidia.

WIZARA YA MALIASILI NA UTALII:

161. MHESHIMIWA YUSSUF SALIM HUSSEIN (CHAMBANI):

Atamuuliza Mheshimiwa Waziri wa Maliasili na Utalii:- Kumekuwa na ongezeko kubwa sana la uwekezaji katika Sekta ya Utalii Nchini:-

Je, Serikali imejipanga vipi ili kukabiliana na ongezeko hilo.

WIZARA YA ULINZI NA JESHI LA KUJENGA TAIFA:

162. MHESHIMIWA ANGELINA ADAM MALEMBEKA (VITI MAALUM):

Atamuuliza Mheshimiwa Waziri wa Ulinzi na Jeshi la Kujenga Taifa:- Kuna vijana zaidi ya 300 Mkoa wa Kaskazini Unguja ambao wanajihusisha na kazi mbalimbali za kujitolea kama vile usafi, upandaji miti, kilimo cha mboga mboga na matunda na wapo tayari kujiunga na Jeshi la Ulinzi kama wakifikiriwa:-

Je, Serikali ina mpango gani wa kuwachukua vijana hao kujiunga na Jeshi hasa ikizingatiwa kuwa wana maadili mema na wameweza kujitolea.

WIZARA YA UJENZI, UCHUKUZI NA MAWASILIANO:

163. MHESHIMIWA MUSA RASHID NTIMIZI (IGALULA):

Atamuuliza Mheshimiwa Waziri wa Ujenzi, Uchukuzi na Mawasiliano:- Eneo la km 89 la kipande cha barabara ya Chaya – Nyahua – katika barabara ya Itigi – Chaya – Nyahua Tabora bado hakijaanza kutengenezwa:-

- (a) Je, Serikali ina mpango gani wa haraka wa kujenga kipande hicho kwa sababu kwa sasa hakipitiki kabisa;
- (b) Je, Serikali ina mpango gani wa kuhakikisha kipande hicho kinapitika wakati wote wakati mchakato wa ujenzi wa barabara hiyo ukiendelea.

WIZARA YA KATIBA NA SHERIA:

164. MHESHIMIWA ISSA ALI MANGUNGU (MBAGALA):

Atamuuliza Mheshimiwa Waziri wa Katiba na Sheria:- Wazee wa Mabaraza katika Mahakama Kuu hasa Dar es Salaam husikiliza kesi zinazohusu mauaji na kulipwa Sh.5000:-

Je, Serikali haioni ni wakati muafaka sasa kuwaongezea posho wazee hao.

V. HOJA ZA SERIKALI:

WAZIRI WA HABARI, UTAMADUNI, SANAA NA MICHEZO:

Kwamba, Bunge sasa likubali kupitisha Makadirio ya Mapato na Matumizi ya Wizara ya Habari, Utamaduni, Sanaa na Michezo kwa Mwaka wa Fedha 2017/2018.

(Majadiliano yanaendelea)

**DODOMA
8 MEI, 2017**

**DKT. T. D. KASHILILAH
KATIBU WA BUNGE**